



## **Clypeus Theologiæ Thomisticæ**

In Tres Partes Divisus, Et Quinque Volvminibvs Comprehensvs

Tractatus de Beatitudine, de Actibus humanis, eorumque Moralitate, de  
Virtutibus ac Donis, de Vitiis ac Peccatis, & de Legibus, nec-non  
Dissertationem Theologicam de Probabilitate

**Gonet, Jean-Baptiste**

**Coloniæ Agrippinæ, 1671**

§. V. Prædeterminationem physicam esse de mente D. Thomæ, plures ex  
Patribus Societatis fatentur?

---

[urn:nbn:de:hbz:466:1-78232](https://nbn-resolving.de/urn:nbn:de:hbz:466:1-78232)

## DE MODO QUO VOLUNTAS MOVETUR.

155

voluntatem ut non ad unum fixe<sup>re</sup>, non cum necesse est, non immutabiliter, sed secundum conditionem voluntatis determinatur, posse determinationem illius abstinere, &c.

Deinde idem S. Doctor quod l. 12. art. 4. sub-scribit sententia illorum qui dicunt, à providentia Dei omnia esse PRÄDETERMINATA. Et ad-dit posse concedi, quod omnia subjiciuntur fa-tio, si nomine fati intelligamus divinam provi-dentiam, omnia quæ sunt in mundo präde-terminantem & præordinantem, quamvis hoc nomine fati non debeamus uti, quia nec nomi-nacum Gentilibus convenit habere communia. Et tandem cum Augustino concludit: si quis hoc modo intelligat fatum, sensu iam teneat, lin-gam corriger, ut non dicat fatum, sed providen-tiam Dei.

Confiratur: Immobilis Dei dispositio, vo-luntati inhærens, est vera prædeterminatione: Sed eam negare, est (juxta D. Thomam 3. contra gent. cap. 93.) negare providentiam; dicit enim ibidem, quod qui fatum negat, secundum illam acceptiōem, secundum quam sumitur pro imprestione immobili ex parte in rebus mo-bilibus, negat divinam providentiam: Ergo ex D. Thoma, qui negat prædeterminationem vo-luntati inhærentem negat divinam providen-tiam.

Denique idem S. Doctor eodem libro cap. statione 7. & aliis locis infra referendis, expre-sedocet à causa contingentē & indifferenti ad utrumlibet, non posse exire auctūm vel effectū determinatum, nisi prius ab alio determinetur: unde cū voluntas sit causa contingens, & in-differenter se habeat ad multa, juxta D. Thomae principia, manifestum est, ipsam debere à Deo prædeterminari, ut in auctūm determinatum exeat. De quo fūsē parag. 8.

Ex his patet, nomen hoc prædeterminationis non esse novum, nec à Thomistis excogitatum (ut passim eis objiciunt Adversarii) sed à D. Thoma, frequenter usurpatum, saltē ad signifi-candam aeternam divinæ voluntatis prædefi-nitionem: unde cū præmotio physica, juxta Thomistis, sit illius executio & instrumentum, aevoluti rīvulus ab illo fonte promānens, non immergit eodem quo illa nomine insigniri potest. Prasertim verò cū nomen applicationis, quo D. Thomas frequenter utitur, aequivaleat nomini prædeterminationis: quid enim est vo-luntatem prædeterminari, nisi ad auctūm deter-minarum applicari?

Addo quid Scriptura, Ecclesia, & SS. Patres, interdum utuntur nominibus, quæ plusquam p̄missionem ac prædeterminationem signifi-cant: videtur: ut patet cū dicitur Luc 14. Compelle eos intrare: & cum Ecclesia in collecta secreta dominica 4. post Trinit. Deum orat, ut infra etiam rebeller compellat propitiū voluntates. Item ad Rom. 7. dicitur: Qui spiritu Dei aguntur, hi filii Dei sunt. Et Augustinus s̄pē afferit voluntatem humanam divinā gratiā insuperabiliter, & in-delinabili agi: Deum corda hominum omnipo-tentiam potestate inclinare quō vult, quando vult, ubi vult: & humanas voluntates non pos-se resisterē. Sane, si vim nominum attenda-mus, aliquid magis videtur, voluntatem à Deo compelli, agi hominem insuperabiliter & inde-clinabili, ac inclinari omnipotentiissima po-testate, quām physicè prædeterminari.

Tom. III.

A. Demū ostendant quæso Adversarii apud D. Thomam, vel apud aliquem ex Theologis & Doctribus, qui ante Molinam scripsérunt, no-mina scientiæ mediae, decreti indifferenti, gratia con-grue, & alia similia, quæ passim usurpant; & ipsiſ pariter nomen physica prædeterminationis apud eosdem Authores ostendemus. Certè si ipsiſ li-cuit, ad rem novam declarandam, nova exco-gitate nomina, cur etiam nobis non licebit, ad tuendam antiquam doctrinam, uti antiquo prædeterminationis nomine, quod non solum à S. Thoma, sed etiam à D. Dionysio cap. 5. de divin, nomin. imo & ab ipso Apostolo usur-patur, ad declarandam divinorum decretorum causalitatē & efficaciam: nam ubicumque in Epistolis D. Pauli habemus nomen præde-stinationis, in Græco habetur μετόποιος, quod vocabulum idem sonat ac prædefinitio & præde-terminatio?

### §. V.

Prædeterminationem physicam esse de mente D. Thomæ, plures ex Paribus Societatis fatentur.

Cum Novatianus cap. 18. de Trinit. recte 56 dixerit, Firmum esse genus probationis, quod ab Adversariis sumitur, ut veritas etiam ab ipsiſ ini-micis veritatis probetur: non possum efficacius demonstrare, physicam prædeterminationem esse de mente D. Thomæ, quām ostendendo Adversarios idipsum non diffiteri, & plura ip-<sup>Hom.</sup> forum profecto testimonia. Variis enim (in-quit Eucherius) absque dubio nittitur privilegiis, Pasch qui causam de Adversarii asserti instrumentis. spe-ciosa victoria est, contrariam partem charrulis suis velut propriis laqueis irriter.

Physicam ergo prædeterminationem variis 57 in locis docuisse S. Thoman, fatetur in primis Collegium Conimbricense, quod instar mul-torum reputari debet: nam 2. Physic. cap. 7. quest. 14. art. 1. hæc scribit: Circa modum quo Deus cum causis secundis ad earum operationes, & ef-fecta concurrit, se offert celebris opinio D. Thome 1. p. quest. 105. & 1. 2. qu. 109. art. 1. & quest. 7. de potentia art. 7. ejusque sc̄tatorum, Capitulo in 2. dist. 1. quest. 2. Ferrariensis contragent. cap. 70. & alio-rum, existimant omnes causas secundas ante-quam operentur, accipere à Deo influxum quandam & motum, qui sit quasi esse intentionale virtutis divina, quo ad promendas actiones excitentur, eo modo quo artium instrumenta, ut dolabra & se-cūris, præviā motionem à fabro accipiunt, cū ad opus consciendum applicantur.

E. Bellarmine etiam lib. 4. de libero arbitrio hanc esse Doctoris Angelici sententiam aperte 58 profitetur. Nam cap. 14. proposita sibi Calvi-ni objectione, quæ ducitur à repugnantia co-operationis divinæ voluntatis cum libertate hu-mana, rejectis tribus responsionibus; Cajetani scilicet, Durandi, & Almaini, duas eli-git ut probabiliore, & ad explicandam con-cordiam divinæ cooperationis cum libero arbitrio magis accommodatas. In primis enim cap. 15. explicat concordiam divinæ cooperationis cum libero arbitrio, per concursum purè si-multanum, & indifferentem, ac determina-bilem à voluntate creata ad speciem aetūs. Unde ibidem negat, Deum voluntatem mo-

U 2

vere

vere & applicare ad opus, ut constat ex primo argumento quod sibi objicit in hunc modum. Inter primam causam & secundam est ordo quidam essentialis, ut prima secundam moveat, & secunda non agat, nisi mota a prima: est autem Deus prima causa; voluntas autem nostra, secunda: igitur Deus voluntatem movet & applicat ad opus. Cui argumento sic respondet: Respondeo inter causam principalem, & instrumentalem est ille ordo, ut una alteram moveat: inter primam autem causam & secundam, cum secunda non sit propriè instrumentum, non est ordo ut una alteram moveat, sed ut una sit prior altera perfectione, illimitatione, & necessitate, &c. Quibus verbis aperie docet, Deum per conculum simultaneum non movere nec applicare voluntatem ad opus. Deinde alia argumenta quæ militant pro physica prædeterminatione solvere conatur, ut legenti patebit. Demum cap. 16. sequenti explicat aliam rationem concordie libertatis cum cooperatione Dei, per conculum prævium moventem & applicantem causas secundas etiam liberas ad operandum: Altera, inquit, ratio conciliandi libertatem humanam cum cooperatione divina, ET FORTASSE ETIAM PROBABILOM, est IUXTA SENTENTIAM S. THOMÆ, qui docet cooperacionem divinam ita concurrere cum causis secundis, etiam liberis, ut non solum eis dederit & conservet virtutes operatrices, sed etiam eas moveat & applicet ad opus, ut cognosci potest ex I. parte qu. 105. art. 5. & lib. 3. contra Gent. cap. 70. & quæst. 3. de potentia art. 7. Quæ sententia videtur valde consentanea zum Scriptura, quæ dicit nos in Deo esse, vivere, & moveri; tum etiam ratione & ordini quem habet causam primam cum secundis. Quibus verbis doctissimus ille Cardinalis, non tantum sententiam nostram probabiliorum, & Scripturæ sacræ valde consentaneam esse assertit, sed etiam D. Thoma tribuit, probans ejus mentem ex locis quæ supra adduximus, præsertim vero ex qu. 7. de potentia art. 7. quo loco Divum Thomam admisit se præmotione physicam, fatetur Suarez, ut infra patet. Nihil ergo verius, Bellarminus admisit conculum prævium determinantem & applicantem voluntatem ad opus. Neque enim dici potest, ut quidam Recentior inconsideratè sit, Bellarminus per illam motionem & applicationem intellexisse conculum simultaneum. Tum quia capite præcedenti expressè negat, ut supra vobis est, Deum per conculum simultaneum movere & applicare voluntatem ad opus. Tum etiam, quia si per talem motionem & applicationem intellexisset conculum simultaneum, hæc secunda ratio conciliandi libertatem humanam cum cooperatione divina, quam dicit esse probabilem, & ex D. Thoma desumptam, non differet a præcedenti, quæ dociatur cum Ariminensi, Scoro, & Gabriele, conculum Dei non determinante voluntatem nostram, necesse prævium, sed duntaxat simultaneum, subindeque nugatur Bellarminus, & actum ageret, atque ineptam battalogiam committeret; quod sine magna tanti viri injuria dici nequit.

Addo quod Doctores Academiae Lovaniensis, in Epistola censuræ adversus Lessium præmissa, testantur Bellarminus contrariam Molinae & Lessio sententiam publicè Lovani prælegisse, & physicam prædeterminationem docuisse. Unde si verum est quod Fuligatus &

Sylvester Petra sancta, in vita hujus Cardinalis asserunt, ipsum nempe jam morti proximum, coram publico scriba professum esse, se dedisse veritati quæ in libro Controversiarum assererat, neque primam sententiam ullatenus mutavisce, manifestum est, ipsum in suis Controversiis, loco nimis supra relato, concursum prævium, voluntatem moventem & applicantem ad opus, cum D. Thoma & Discipulis ejus docuisse.

Non diffiteor tamen, in eo Bellarminus ab aliquibus Thomistis discrepare, quod isti existimant concursum prævium esse motionem vel qualitatem fluentem voluntati impressam: ille vero censet, Deum per se ipsum immediate, sine ullius qualitatis impressione, ut voluntate creatâ, eamque ad opus applicare. Quod etiam docent Nazarius, Sylvius, Azorius, & alii auctores physicæ prædeterminationis. Unde Bellarminus quantum ad substantiam admittit conculum prævium, se physicam prædeterminationem, quamvis in modo illam explicandi, ab aliquibus recentioribus Thomistis differat, ideoque pro hac sententia citatur a Sylvio in opusculo de primo Motore, parte 2, art. 26.

Favent etiam Peterius & Azorius: ille enim lib. 8. de causis cap. 8. sic ait: In eo quod adjungit D. Thomas, causas secundas, & in his voluntatem nostram à Deo moveri, APPLICARI, ET DETERMINARI ad agendum, licet nonnulli dissentiant Theologe; ego tamen manus pedibusque in eam sententiam perquam libenter eo: Hoc enim est ingenium,

hæc conditio, hic nexus atque contextus moventium & causarum per se & essentialiter subordinatarum, ut posterior non moveat, nisi mota a priori: In ordine moventium, inquit Aristoteles 8. phys. textu 41. quod prius est, magis est causa moveendi, quam sequens, & moveretur magis. Et in libello de causis proposito, idicatur causa prima plus, vehementius, intensus, & inseparabilis concurrens ad effectus causarum secundarum, quam ipsas causas secundas, & juvare causas secundas in operationibus ipsarum, & magis est causa effectus quam causas secundas. Quemadmodum igitur in aliis causarum generibus per se subordinatis invicem, posterior causa necessaria presupponit causalitatem priorum, veluti in formis esse sensitivum presupponit vegetativum, & hoc esse corporeum; & in materia secunda presupponit primam, idemque in finibus per se subordinatis evenit: sic etiam in operationibus per se invicem subordinatis, posterior causa necessaria presupponit primam, & cause prima causalitas prior natura est, quam causalitas cause secunde. Itenerò libro 1. institutionum moralium cap. 21. quæst. 8. hæc habet: Octavò queritur, an Deus, quando cum natura vel voluntate operatur, ipsam moveat & applicet ad agendum & Sanctus Thomas aperie sic ait: Deus non solum dat formas rebus, sed etiam conservat eas, & applicat ad agendum &c. Ceterum mihi videtur verissima D. Thoma sententia: eam enim planè videtur Augustinus tradere &c. Id est enim dici videtur causa secunda, quia moveatur a prima: alioquin enim solum esset causa cum prima; sicut cum duo simul transibem portant, ubi quia unus ad portandum non movetur & applicatur ab altero, dici non potest causa secunda, alteri comparata, sed est simul cum altero causa &c. Item lib. 4. cap. 22. quæst. 2. Paulici, inquit, juniores Theologi, fortassis ut voluntatem nostram liberam facient, faciunt sacrificium,

qui sententiam. Summa Dei, autem, videtur bellus Petrus de Regio, non 15. Theologa, liga, punitio, tenuit, potest, non est, ma, propr, rante, Li m, sequi, tenuit

## DE MODO QUO VOLUNTAS MOVETUR. 157

dum negant Deum OPERA NOSTRA BONA PRAEFINIRE. Eodem fere modo loquitur Henr. in quez lib. de fine hominis cap. 6. ubi inter alia ait: Non tam difficile est intelligere, ut quidam putant, quod sicut in sua sponte libera cooperationis, Deus tempore suis concursus, efficaciter auxilio moveat, tum PHYSICE EX PARTE POTENTIAE, tum modaliter ex parte obiecti. Et cap. 24. ostendit sententiam Molinae & Lessii doctrinam D. Augustini & S. Thomae penitus repugnare.

Refert etiam Caramuel in Theologia fundamentali thes. 5. notabilis 4. quod anno Domini 1654. in Universitate Vienensis Pater Herwart Societatis Jesu, magni ingenii Doctor, defendit iterumque, *Ese possibilem qualitatem, quae ex essentia sua physica & rea, infallibilitatem illeliberata induceret.* Fuit, inquit, disputatio celebris, & quia iussus fuji argumentari primo loco, unam aut alteram consequentiam subiiciam. Sic dixi. Possibilitas est qualitas, quae ex essentia sua reali & physica infallibilitatem inducat, & humanam libertatem non ular: Ergo possibile est non dari scientiam medianam in Do: Ergo de jacto non datur scientia media: Ergo disfudatur physicæ prædeterminationes, si non existentes in sensu composito, saltem infallibilitatis. Et postquam omnes illas consequentias prolectus est, sic concludit: Quod attenuans illam insinuans considero, videtur mihi clarus subscrivere sententiam Thomistarum.

Non est prætermittendus Cardinalis Tolosanus: ipse enim 2. phys. cap. 3. quest. 8. expremit docet Deum applicare causam secundam ad agendum, eamque movere, sicut instrumentum moretur ab artifice. Idem assertor Cofm. Alomannius in Summa Philosophia D. Thomæ, 1. quest. 11. art. 4. Molina etiam in Concordia disp. 26. non difficitur hanc sententiam esse D. Thomam, etiam si postea videatur esse dubius, ait enim: D. Thomas 1. p. quest. 105. art. 5. docet Deum duplice ratione operari cum causis secundis: in primis, quia virtutes illis tribuit ad operandum, easque ad conservatum, ut Durandus dicebat: deinde, quia ita ad agendum moveret, ut quadammodo formans & naturas earum applicet ad operationem, non secus ac utique secundum applicaret ad secundum. Suarez vero lib. 1. de concursu Dei cap. 11. num. 4. & 7. ait D. Thomam hanc sententiam tenuisse quod 7. de potentia art. 7. sed illam postea in Summaria retractasse. De quo infra §. 13.

Denique prædeterminationem physicam esse audiverit de mente D. Thomæ, aperiè tradit libellus de ratione studiorum, compositus à sex Patribus Societatis, & impressus Romæ in Collegio Societatis, iussu Praepositi Generalis, Anno 1526. In illo enim, §. de opinionum delectu in Theologica facultate, regula 5. sic dicitur: *In Theologia doctrinam S. Thomæ, ut caveretur 4. parte confirmationum cap. 14. nostri sequantur, exceptis paucis, quæ licet sunt aut videri posint esse S. Thomæ, quia tam contra, & sine periculo, & valde probabilitate possunt, si qui hac docere velint, conniveant superiores ad ingenitorum exercitationem maiorem.* Et postea explicans quæ sint illa pauca, quæ sequi non tenentur, num. 6. inter alia istam D. Thome sententiam recenset: *Causas secundas esse propriæ & univocè instrumenta Dei, & cum operari, in eas primùm influere, aut eas movere.* Et mox relatis aliis D. Thomæ sententiis, quæ sequi non tenentur, regulâ 6. sic dicitur: *In ceteris, que hic excepta non sunt, à S. Thoma Tom. III.*

A nobis non recedant. Libellum hunc Tolosæ in nostro conventu servamus, hujusque capituli vel paragaphi, de delectu opinionum in Theologica facultate, extractum authenticum, & Notariorum Apostolicorum manu subsignatum, penes me habeo. Hunc verò libellum habere vim constitutionis, quamvis id negent Adversarii, constat tamen ex 5. congregatione generali Societatis Jesu can. 9. ubi sic dicitur: *Sequantur nostri Doctores in Scholastica Theologia doctrinam D. Thomæ, juxta proximam in libro de ratione studiorum ponendam.*

Tantum ergo habentes impositam nubem testimoniū, qui prædeterminationem physicam esse à Divo Thoma assertam, ingenuè profitentur, de mente hujus Angelici Doctoris dubitare non licet.

### §. VI.

#### Testimonia Scripturae, & SS. Patrum.

**C**onstat ex dictis paragrapho præcedenti, 63 Deum physicè prædeterminare causas secundas, si eas applicet ad agendum: propter hoc siquidem, nedum Thomistæ, sed etiam plures ex Adversariis, concedunt D. Thomam docuisse prædeterminationem physicam, qua docuit Deum applicare causas secundas ad agendum, ut ibi ostendimus. Si ergo in Scriptura sacra expressæ inventero illud verbum applicare, ita ut Deus dicatur absolute causas secundas, etiam liberas, applicare ad agendum, procul dubio ostendam prædeterminationem physicam, juxta Scripturam, & Spiritus Sancti testimonium, esse necessarium admittendam. Insignis autem locus habetur Eccl. 33. ubi sic legitur: *In multitudine discipline Dominus separavit eos, & immutavit vias eorum: ex ipsis benedixit, & exaltavit, & ex ipsis sanctificavit, & SE APPLICAVIT, &c.* Item Jeremias 30. Deus loquens de duce qui præponendus erat populo suo, ait: *Et erit dux eus ex eo, & Princeps de medio ejus producetur, & APPLICABO EUM, & accederet ad me: quis enim iste est qui applicet cor suum ad me, vel appropinquaverit mihi, ait Dominus?* Ubi manifeste promovit Dominus se applicaturum cor seu voluntatem ducis populi ad lumen, sive ad amorem sui, & subdit Scriptura, quod in virtute hujus applicationis dux ille ad Deum accedit, & appropinquabit illi. Si igitur applicare causam secundam ad operandum, idem est ac eam physicè prædeterminare, ut iam notavimus, & supra ostensum est, consequens est, ut promiserit Deus se physicè prædeterminaturum voluntatem ducis populi ad amorem sui: ita tamen quod hæc prædeterminatione non impedit cooperationem voluntatis, sed eam potius inferat & causet: unde prius ponitur quod Deus applicabit voluntatem ejus, & postmodum subditur, quod accedit ad Deum, & applicabit cor suum ad amorem ipsius, & appropinquabit ei, non gressibus corporis, sed affectibus mentis, ut Augustinus ait.

Eandem mentis & voluntatis humanæ applicationem per gratiam, subindeque physicam prædeterminationem, aperiè docent plures ex Sanctis Patribus. Augustinus enim libro 1. ad Simplicianum quest. 2. ait: *Quis audeat dicere desuisse Deo modum vocandi, quō etiam Esau*